


15724 kat.komp.

I Mag. St. Dr.

Biblioteka Jagiellońska



stdr0018899





15724

I

P

inalo).

A 220/IV/79

Pomutsk: Stanislaw: Quacstio de transactione
in criminalibus.

~~2612~~ *Incans.*

QVÆSTIO DE TRANSACTIONE IN CRIMINALIBVS.

Ad c. Ex parte

EXT. DE TRANSACTIONIBVS
Iuncta L. Transigere, C. Lod.

QVAM

Præsidente Admodum Reueren^t & Clarissⁱ D.
SEBASTIANO KRVPKA,
I. V. Doctore & Professore Canonico Crac: Præpo.
Wielicen.

Pro obtinenda prima in Vtroq; Iure laurea ad di-
sputandum publicè proponet:

M. STANISLAVS POMORSKI,
Senior Contubernij Iuristarum.

In Collegio T. D. Iurisperitorum, Anno Domini,
1619. die 7. Mensis Februarij. hora xiiij.

C R A C O V I Æ,

Typis Basilij Skalski.

CC.

In Armā
Admodum Reuerendi Domini
JOANNIS ZERZYNSKI, Sc. Sc.



Zerzenij campus generis splendet amaranis
 Floribus hic redolet religionis honor &
 Hic rosa iustitiae rubet. hic prudentia rerum
 Albescit, multos consilioq; inuat.
 Forte virescens pectus patrio florebat in orbe
 Aurea temperies, omnia pulchra vides.
 Ergo quid? ob tales flores virtutis honestae
 Zerzinij aeterno campus honore micet.



BIBLIOTHECA
 VNIV. IAGELL.
 CRACOVENSIS

15724I

ADMODVM REVEREN:
DOMINO,

D. IOANNI
ZERZYNSKI,

CANONICO VICARIOQVE IN SPI-
ritualibus, & Officiali Generali Cracouien: &c. &c.

Domino & Meccenati obseruandissimo.



*Emo est in studijs Iuris & Legum tam impe-
ritus ac rudis, tam à bonis moribus rectoq; iu-
dicio alienus, qui non facile intelligat imò
non palam fateatur inter cetera Iuris re-
media, Rebus pub. tuendis & conseruandis
salutaria, adinuentum esse remedium Transactionis, quo ple-
rumq; & cœtus hominum, tanquam iucundissimo antidoto, fa-
cilius quàm strepit u. Iudiciario, pœnisq; infligendis in officio
retinetur: & Reipub. salus, dignitas, tranquillitas ac felicitas
in componendis litibus, quàm fouendis ac propagandis, tan-
quam in certissima & tutissima basi consistit: omnisq; magi-
stratus felicior ac laudabilior reputatur, si domi forisq; reddat
homines promptiores ad componendum, quàm contendendum.
Deniq; quod primo loco dicendum erit, glibet Principum Epa-
minundæ illi Thebanorum Duci, vel potius summo rerum o-
mnium moderatori, similis redditur, q. exercitum suum, vel
Rempub. fidei suæ commissam ac concreditam, manus cum bo-
stibus, necessitate ita efflagitante, intrepidè conserens, absq; cru-
enta pugna victoriam obtinuerit. Ideò Tibi ADMODVM RE-*

VEREN. ET ILLUSTRIS D. in quo mirificus virtutum fulgor,
iudicium de reb. incorruptum, & nunc in causis negotiorum
spiritualium, quibus dextrè praesides & antea in Tribunalib.
Regni huius inclyti, dum toties Iudicem agebas conspicuum,
venerandâq; auctoritas singulari humanitate insigne animi
Tui ornamentum, relucet: hanc Quaestionem de Transacti-
onibus criminum studiosè, vel impetu, vel præter intentionē,
admissorum, consecrandam decreui: vel eo potissimum no-
mine, quod à serijs Tuis, & grauissimis negotijs, aliquid otij
nactus, tua dexteritate ac prudentia Heroica, hoc vnum expe-
tis, ut homines cuiuscunq; status & conditionis fuerint, in pa-
ce & tranquillitate vitam iucundam ac beatam agant, eternæq;
illius beatitudinis, similitudinem quandam, quantum fieri
potest, in vita & moribus exprimant. His accessit & singu-
lari amor, præcipuâq; in nostram facultatem Iuridicam, eius-
que antecessores ornandos, cum & sollicitudo. Vt interim te-
ceam, quod egenis iuuenibus in Academia nostrâ studijs
literarum operam nauantibus sis Mecænas & Patronus li-
beralissimus. Accipe igitur vultu sereno hilariq; fronte à me
Iurisprudentiæ minimo Professore quod offero munusculum,
exiguum quidem, si Tua Amplissima attendatur Magni-
tudo, maximum tamen, si mei animi consideretur propensio.
Quam Deus Omnipotens gratiæ suæ thesauris, in dies ac-
cumulet ex animo cupio: meq; in numero suorum clientum
habere velit, etiam atq; etiam rogo. Datum è Contubernio
Iurisperitorum, 1. die Mensis Februarij.

Admodum Reueren: & Illustris Domin: Vestræ
æternum deuotus

Cliens,

M. Stanislaus Pomorski, Contubernij
Iuriso. Senior



Q V Æ S T I O

Ad c. Ex parte

EXT: DE TRANSACTIONIBVS

juncta L. Transigere. Cod. eodem.

V. Transactio in Crimini-
bus pro quibus infertur
poena sanguinis, non au-
tem pro leuioribus : an-
tequám in ludicium de-
ferantur, etiam cum ter-
tio causam habente fa-
cta, valeat, necne?

A

Con-

CONCLUSIO I.

Transactio locum habet in omnibus
Criminibus propter quæ irrogatur
pœna sanguinis.

COROLLARIA.

1. *Transigens super Crimine pœnam sanguinis inferente, non habetur pro confesso.*
2. *In Criminalibus Transactione interueniente, non minùs reus absolvitur, quàm in Civilibus, liberaturq; ab impetitione Actoris.*
3. *Qui transigit pro crimine infamiam merente, infamatur transigendo.*
4. *Licetum est Iudici inducere partes ad transigendum, maximè verò eam, quæ offensa est.*
5. *Si statuto decernatur lucrum accusatori, & ille transigat, manifestum est eum lucrum non acquirere.*

CONCLUSIO II.

In Criminibus quibus mitior pœna
quàm sanguinis irrogatur, Trans-
actio

actio non valet.

COROLLARIA.

1. *Iure Canonico quemadmodum nunquam pœna capitis criminibus imponitur, ita rarissimè de illis transigitur.*
2. *De Crimine falsi non transigitur, dato, quod non inferatur pro eo pœna mortis.*
3. *Si pro crimine inferatur pœna suffigationis, carceris, diminutionis capitis, dignitatis, transigere non permittitur.*
4. *Adulterium quantumvis compensatione tollatur; transactione illud tolli, & absurdum et ridiculum est.*
5. *Mutilationem membri, morti & sanguini equiparamus; hinc est quod eam transactione redimi posse, citra omne dubium asseramus.*

CONCLUSIO III.

Stricto iure loquendo non valet transactio antequam lis super crimine, vel accusatio instituta fuerit.

COROLLARIA.

1. *Vbi accusatio instituitur secundum interesse partis, Transactione aufertur Ius agendi: secus autem in Criminalibus, in quibus Iudex ex officio procedit.*
2. *Non solum ante litem inchoatam sed post finitam, si res Iudicata sit pro Reo eo ignorante, & Actor Transactionem conficiat, in validam eam asserimus.*
3. *Nedum autem Transactio valebit hic concepta in Forma Transactionis, sed ne quidem si per modum nudi pacti concipiatur, cum lis est finita in fauorem Rei ignorantis.*
4. *Siue ante rem Iudicatam siue post, non transigit Accusator de interesse tertij, quo minus interessatus experiri valeat contra accusatum.*
5. *Facta pace de Iniuria non videtur includi satisfactio pro damnis & interesse.*


CONCLUSIO IV.

Transactio principaliter facienda est cum eo, qui offensus est, defectu autem vel morte ipsius, cum tertio
causam

causam habente, & interessato.

COROLLARIA.


1. Pro iniuria facta filio, potest transigere pater, maxime si filius fuerit in potestate patris.
2. Tutor pro pupillo in casu nostro non aliàs valide transiget, nisi Transactionem in euidentem pupilli utilitatem cessisse demonstraerit.
3. Loquendo secundum æquitatem, si vulneratus transegerit, postea verò ex vulnere decedat, Transactionem inualidam putamus, relicto tamen statutis loco suo & vigore.
4. In defectu hæredum pro Transactione recurrendum, est ad Principem: ille tamen regulariter non aufert ius agendi hæredibus, si postmodum apparuerint.
5. Remittens in Foro conscientie, non impeditur, quo minus in Foro Exteriori Lure valeat experiri.





Sub felicibus auspicijs Admodum R^{ndi}
P. ac Magnifici Domini, M. IACOBI IAN-
NIDLOVII I. V. Doctoris & Professoris,
Protonotarij Apostol. Canonici S^{adecen}.
Vniuersitatis Cracoui^{en}. Procancellarij,
ac Generalis

R E C T O R I S.



UNIV

CRAC

